

Powšitkowne WOZJEWJENJA

njedźelu, 14. decembra 2025

Přiležnosć k swjatej spowědži w Róžeńće

póndźelu, 15. decembra 17.00 – 18.00 hodź.	farar M. Anders, kanonik Š. Delan farar G. Nawka, farar dr. M. Kleiner
wutoru, 16. decembra 18.30 – 19.30 hodź.	farar M. Anders, farar M. Nawka farar G. Wornar, pater dr. J. Müller
sobotu, 20. decembra 7.30 – 7.55 hodź. a po Božej mši	farar M. Nawka, kanonik Š. Delan farar B. Jakubaš
17.00 – 18.00 hodź.	farar M. Anders, kanonik Š. Delan, kapłan P. Mróz, farar B. Jakubaš

Kóždu sobotu je do Božej mše za lud a kraj, kotraž so we 8.00 hodź. zahaji, přiležnosć k swjatej spowědži.

Po sobotomaj, 27. decembra kaž tež 3. januara njebudže w Róžeńće w 17.00 hodź. přiležnosć k swjatej spowědži.

Serbska pišćelowa hudźba

Stefan Kießling z Lipska hraje we wobłuku adwentneho hudźbného rjadu „Pišćece k non“ Budyskeje tachantskeje wosady třěću adwentnu njedźelu, 14. decembra, w 15.00 hodź. na pišćelach w tamnišim simultanym Božim domje swjateho Pětra. Přizamknje so swačina na farje.

Awdiowizuelna inscenacija w Chróšćanskej cyrkwi

Multimedialnu produkciju pod hesłom GENEZIS 2.0. móža wopytować sobotu, 20. decembra, štyri króć w Chróšćanskej cyrkwi dožiwić. Tam pokazaja ju w 17.00 a 17.30 hodź. kaž tež w 20.00 a 20.30 hodź. Zestajał bě ju wučomnik za zarjadnisku techniku Bosćan Donat. Z pomocu třoch projektorow předstaji wón mjez druhim swětostawny wjerch Vatikanskeje Sixtinskeje kapały Michelangela na wjerchu Božeho domu. W 25mjeńšinskej dramaturgiji wuwija so stawizna wo stworjenju swěta, nic pak cyle tak, kaž je z biblie znata, ale wuchadžejo z wěsteho chaosa. Nimo wobrazow wobsteji produkcija z hudźby, řečanych tekstow a meditatiwného džěla. Zdobom zwjazuje projekt wumělstwo, nabožne wobsahi kaž tež techniku a chce ludžom na te wašnje spirituelny přistup k rozmyslowanju wo stwórbje jako darje Božim skičić.

Kulturna zyma w putniskej hospodze

Wo svojich dožiwjenjach w Nowoseelandskej přednošujetaj Jakštec mandželskaj z Chróšćic w serbskej a němskej řeči sobotu, 20. decembra, w 19.45 hodź. Na to přeprašuje Monika Gerdesowa we wobłuku kulturneje zymy so Chróšćanskeje putniskeje hospody. Serbske kino za džěci budže wospjet w 16.00 hodź.

Hodowny nyšpor z chórom Lipa

Chór Lipa wuhotuje njedźelu, 28. hodownika, w 17.00 hodź. swój tradicionelny nyšpor w swětle swěčkow w Róžeńčanskej swjatnicy. Zastup je darmotny. Wšitcy su wutrobnje přeprošeni.

Silwesterski koncert w Bačońskej cyrkwi

Na koncert k wuklinčenju lěta přeprošuje Bačońska wosada srjedu, 31. decembra, w 17.00 hodź. do swojeje cyrkwe. Lětsa wuhotuja jón Rjelkec mandželskaj Hanka a Marek kaž tež Kaulfürstec mandželskaj Jadwiga a Fabian.

Nowolětny koncert w Radworju

Chór Meja přeprošuje wšitkich zajimcow wutrobnje na swój nowolětny koncert, kotryž budže sobotu, 3. januara, we 18.00 hodź. w Radworskim hosćencu „Meja“. Spěwajo chcedža tónraz na tradicije a wašnja Serbow w zymskim času zhlować. Přizamknu so reje.

Spirituelna zwukowa instalacija w Rakecach

Zwukowu instalaciju k temje „Lubowany“ móža wopytwarjo znowa hač do pjatka, 9. januara, w Rakečanskej ewangelskej cyrkwi dožiwić. Wuwił a zwoprawdźił bě ju wospjet komponist Norbert Binder. Swětlowe efekty, kiž hudźbu podkładu, je Heiko Hahnelt programěrował. Instalacija je wšědnje wot 9.00 do 20.00 hodź. přistupna. Zastup je darmotny.

TCM přeprošuje na wulět do Bayerskeho lěsa

Sekcija wěda a skutk Towarstwa Cyrila a Metoda z.t. (TCM) přewjedže klětu wot njedźele, 30. awgusta, do pjatka, 4. septembra, wulět do Haibacha w nižobayerskim wokrjesu Straubing-Bogen. Wottam wopyta skupina wjacore městna w Bayerskim lěsu, mjez druhim Kelheim, klóšter Weltenburg, Straubing, putniku cyrkej Bogenberg, Bad Kötzing a horu Wulki Arber. Zajimcy měli so hač do póndžele, 12. januara, pak online přez eveno (link je pod www.posol.de wozjewjeny) abo w redakciji Katolskeho Posoła, telefonowe čisło (0 35 91) 55 02 10 přizjewić. Zdobom měli hakle w januaru 200,00 eurow na konto TCM napłaćić: Cyrill-Methodius-Verein e.V., IBAN: DE65 7509 0300 0008 2823 66, hesło: „Bayerska“. Dale měli zawěšćenje w padže njenastupa jězby (Reiserücktrittsversicherung) wotzamknyć. Štóž ma k tomu prašenja, njech wobroći so na Jurja Špitanka w Zejicach, telefonowe čisło (03 57 96) 9 63 47.

